

網議政事

利益當前，攬炒派區議員經常攻擊來攻擊去。屯門民政事務處早前接獲投訴，指屯門區議會主席、民主黨陳樹英利用區議會出錢買防疫物品，為佢個人同民主黨宣傳，所以屯門區議會轄下嘅財務、行政及宣傳委員會考慮係咪要向陳樹英發警告信。《獨媒》近日報道有關事件，指該委員會主席李家偉處理事件時主動要求陳樹英避席，「做法引起在座區議員譁然。」李家偉事後就係facebook批評《獨媒》嘅報道失實，但就乘機潤陳樹英兩句：「我對今(當)天事件的容忍程度，已經遠超偏袒甚至達到包庇的程度。」

香港文匯報記者 兩航

# 攬炒互片 黃區員批《獨媒》報道失實

## 砌陳樹英用區會錢宣傳黨「容忍程度已達包庇程度」



李家偉批評《獨媒》報道失實。fb截圖

《獨媒》2月26日以「民政指投訴 斥用區會物資作個人宣傳 陳樹英批打壓：配合建制小動作」為題報道聲稱：「民政處文件內並沒有寫出被投訴的區議員姓名，惟委員會主席李家偉要求陳樹英先行避席，做法引起在座區議員譁然。陳樹英激動拍枱稱：『法庭都可以罵人申辯，點解我要避席？』」「李家偉一度在會議上要求委員會表決是否有『足夠證據』證明投訴屬實、沒有疑點，但民協周啟廉質疑表決的合理性，『我哋唔係法庭，你係用咩標準要我哋去表決？』」

### 有指名道姓要求任何人避席

李家偉事後係facebook發帖批評《獨媒》嘅報道失實，聲稱自己嘅

整場會議中都有指名道姓要求任何人避席，由始至終都只係以「相關議員」嚟稱呼個案中嘅同事，而自己向委員會提出嘅問題亦只有一個，就係「是否受理並處理投訴」同「審判」嘞。

佢又好似好委屈咁話：「會上被『泛民主派』前輩說成：『淨(剩)係聽民政指令做嘢』『指引偏幫民政]，我希望大家明白，如果該前輩所言屬實，被投訴的議員有可能在整個討論環節不用在席自辯，該名同事亦有可能不用先行舉手直接自行『開咪]，甚至發言多達整整七次屢次超時仍然不被阻止。我對今天事件的容忍程度，已經遠超偏袒甚至達到包庇的程度。」

與李家偉同屬「素人」嘅屯門區議會副主席黃丹晴就轉載李家偉嘅帖文，話會上大家並非審判個案，只係為咗避免公眾認為佢哋包庇「同路人」，因此必須秉公辦理嘞。

### 網民直言《獨媒》冇公信力

網民「Cathy Yau」直言《獨媒》冇乜公信力：「哩(呢)年幾，我自己都少睇獨媒，唉。」「Kwan Lee」就話：「獨媒都唔係第一次，立場都唔好幾多，仲要經常都係插新嘢班區議員，反而傳統『泛民』又唔點埋。」「Ho Lam Chan」就話：「如果唔係民主黨，唔知佢哋又會唔會嘍呢，係咪新舊『泛民』睇大家唔順眼呀？」

# 黃絲力數連儂畫家 借錢唔還呢手足

### 貴圈真亂

新仇添舊恨，一筆難勾銷。香港文匯報早前報道，俾唔少黃絲追捧嘅大埔「連儂畫家」原來周圍圈錢，但就有唔少「黃色水圈」心甘情願俾人哋。黃店「Jn Workshop」嘅店主「Joyjoy Ng」發表網上聲明，聲稱要同識咗20年嘅「連儂畫家」割席，原因就係「連儂畫家」為咗保住自己名聲，不惜令佢受屈辱，更力數「連儂畫家」呢20年嚟點樣虧待佢哋「手足」，真係難怪網民食到一地花生。

### 指控借場「運動」嚟呢錢

目前身在英國嘅「連儂畫家」近日係facebook發帖，聲稱有人偷偷向佢由上嘅朋友發私訊，指控佢借場「運動」嚟呢錢，「迫於無奈下」唯有公開自己近半年嚟英國畫畫支援香港「抗爭」嘅開支，更拍晒口口語話如果有人可以擺出借手繪「抗爭」嚟眾籌嘅證據，佢就即刻離開英國。佢仲叫支持佢嘅人唔可以袖手旁觀，要分享佢支持香港嘅「工作」資料嚟還擊。

咁究竟係咩開支資料咁有說服力？

原來就係張佢自製嘅圖片，裏面有單有據，就咁寫話自己幾時畫咗咩畫，每幅畫嘅成本大約幾錢，而自己只係透過「小規模義賣」嚟籌集開支，但籌到幾錢？睇怕只有天知地知佢知。

「Joyjoy Ng」係fb發聲明話，佢同「Jn Workshop」要同「連儂畫家」割席，仲滿腹怨氣咁話：「一個相識20年嘅朋友為咗保住自己嘅名氣要屈辱於我，這20年裏有就鍾無鹽，有事夏迎春，每一次唔夠錢都會問我借，我已經借咗無數咁多次錢俾(畀)佢！你(連儂畫家)在香港「抗爭」時有飯食每一次就向我求救，我溫錢亦都好辛苦，我亦係一個病人，我有能力供養你一個大男人！」「袁健龍先生你真係反骨到一個極點！」

### 二千字力數唔做嘢齋飲齋食

「Joyjoy Ng」更用近二千字嘅篇幅力數「連儂畫家」點樣唔做嘢但又齋飲齋食，仲話佢男朋友之前界吃錢「連儂畫家」買相機，又借埋鏡頭畀佢，點知遲遲都未還，「點都好你應該還返俾(畀)我男朋友嘅相機錢同埋鏡頭，就係你依(嗰)家係(嗰)

英國擺住果報(啲部)，咩型號咩牌子我哋全部可以講得出。」

佢仲話「連儂畫家」咁多年嚟有界過一幅文宣佢，大鬧「你有當過我係朋友嗎？還是我不是黃店？還是我不是你嘅大文宣？」「你當日放咗紙扇在鼎天茶餐廳擺放，賣\$380一把，你所有嘅錢原來你係有捐過出去，你實在自私到一個點！」「你唔需要再同我爭拗，我電話內容全部有Backup，如果有興趣嘅朋友想睇真與否我可以send俾(畀)你地(哋)睇。」

自稱「獨立記者」嘅「白影」就留言話：「大埔「連儂畫家」，好耐之前我講過下(吓)……呢篇野(嘢)其他內容我係未FC(fact check)架(㗎)，但我都無(冇)諗住去咁做……我唔太想浪費時間同精神係(嗰)佢身上，因為無乜影響到好多人，要我認真去查同出手嘅CP值太低。不過呢粒花生幾好睇，識廿年嘅朋友都隊佢。」「Lam Hammer」就揶揄：「有人分化，大家快啲一齊批鬥佢，黃絲係團結不可分化議論的，再唔批鬥佢俾藍絲笑喇！」

香港文匯報記者 兩航



「連儂畫家」聲稱有人唱佢借場「運動」嚟呢錢，仲公開咗好多有單有據嘅開支嚟還擊。fb截圖



「連登」官方話會保留對侵權賣「連豬」公仔嘅人作出追究權利。fb截圖

網上討論區「連登」(LIHKG)近日以官方身份同「十八區連豬」嘅創作者阿修發出聯合聲明，原來有間叫「Involve Concept」嘅組織早前謊稱已獲得「連登」官方授權，更製作大量「連豬」公仔出售，「連登」話唔同該組織交涉期間，覺得對方態度惡劣而且多次詐騙寄賣商戶，要求涉事組織負責人立即停止侵權行為，否則會保留追究權利。其實大家都係「同路人」，又何必分得咁細呢？

### 謊稱官方授權牟利

「連登」嘅討論區以官方身份發聲明話，佢哋非常歡迎「創作者」對「連登」系列嘅角色進行二次創作，但唔可以用嘅未經批准嘅用途，過去亦批准大量版權申請者將有關角色製成義賣品出售，點知佢哋近日接獲唔少商戶投訴，發現有人謊稱已獲「官方授權」，並嘍幾十間店舖寄賣侵權嘅「連豬」產品，仲公然用「18區連豬匙扣」及「連豬公仔」為名目作牟利用途。

「連登」就話「Involve Concept」嘅負責人潘先生去年初起已開始生產並售賣「連豬」公仔，直至今年2月被新都市集施壓先至首次發覺寄售佢哋查詢版權問題，但「連登」係交涉期間發現潘先生講大話，包括向商戶聲稱「十八區連豬」係「公開授權」、否認用過「連登」正式名義售賣等。「連登」其後仲列出「Involve Concept」嘅社交媒體截圖，踢爆對方公開用「連豬」名義推廣產品。但最觸動「連登」同原創者阿修神經嘅係，呢個潘先生竟然話對「連豬」角色嘅歷史有考究，死撐幫「連豬」換件衫就等於「新設計」，甚至好寸咁話：「官方」賣「連豬」喇陣佢「也沒說LIHKG的不是」，結果「連登」認為潘先生嘅講法係「暗指LIHKG抄襲其侵權公仔」【其中陳述其銷售侵犯版權商品之詭辯簡直令人匪夷所思】。

呢個潘先生最後雖然死要面咁話「如果不想合作我們就只能各走各的路」，但都清啱咁咁話「日後我會低調營運，5月份結束這批業務。」

### 「真係人無恥便無敵」

睇住阿修都認真潘先生指鹿為馬，唔少「連登」網民亦加入聲討，好似「搭巴士放學」就話：「侵權雖然話原創者好霸道！比(畀)我侵權賺錢都唔得！好狗！」「盜民宅」就直言：「由黃老細「手足」互相支持嘅黃色經濟圈，變成白富貴「抗爭」情懷嘅黃色紀念品圈。」「打到白卡當黨」就拍晒手：「真係人無恥便無敵。」呢個時候總係有人叫大家包容吓，「Cyruz」就問：「大家都係黃，真係要告嗎？俾(畀)次機會？」但「我同你講我有問題」就好惡咁反駁：「我「曬(晒)你地(哋)，不騙黃係基本，有老鼠屎就清理！」

香港文匯報記者 兩航

# 黃絲抄淘寶設計 瑜伽衫「吊高嚟賣」



「連登仔」爆料有店舖扮黃。「連登」截圖

### 貴圈真亂

黃絲為咗錢，擊大眼講大話真係濕濕碎。網民「流鼻血硬漢子」早前係「連登」開post，擺出連串截圖，踢爆自稱香港「自家」品牌嘅店舖「GLAMOURZY」扮黃，甚至溫嚟被指為藍絲嘅KOL幫手宣傳，呼籲「同路人」千祈唔好中計，但有網民就話呢啲情況屢見不鮮，可惜仲係有好多傻仔上當。

帖文列出多張淘寶網站同「GLAMOURZY」嘅產品截圖，指「GLAMOURZY」嘅店主賣嘅瑜伽衫都係抄襲淘寶貨品嘅設計，加個自己設計嘅Logo就賣貴二百蚊到三百蚊，又話店主早前參與黃圈燬買活動，但之後竟然溫嚟被指為藍絲嘅KOL宣傳。

### 「好多黃店都呢水魚」

帖文列出該店主回覆查詢時嘅社交媒體截圖，發現佢扮唔識該名被指為

藍絲嘅KOL，但後來有網民踢爆，店主曾經嘅instagram貼出與該名被指係藍絲KOL嘅合照，仲配文話對方係自己「小學最best嘅best friend」。

網民「Beebb」話：「有晒證據，都水洗唔清啦！有(無)謂一車車走去送錢比(畀)人哋。」「桐野利秋」就話：「仲以為大話cover(蓋住)大話係work(可行)，係佢自己太蠢定以為世界太蠢？」「搖來搖去」直言：「算啦D(啲)情況太(大)把，幾多黃店賣淘寶貨呢水魚上當，可以點，講完咪又係有傻仔上當。」

香港文匯報記者 兩航

# 郭芙蓉廖添誠「拉天窗」 李慧琮葉太證婚



新人與李慧琮和葉劉淑儀合照。



新人接受祝福。

建制派有喜。民建聯「小花」、葵青區議員郭芙蓉及新民黨社區主任廖添誠昨日正式「拉理天窗」舉行婚禮。婚禮現場雲集建制派人士，民建聯主席李慧

琮、新民黨主席葉劉淑儀擔任二人證婚人，見證兩黨「聯婚」。李慧琮昨日在facebook發帖恭賀郭芙蓉與廖添誠新婚。她說，郭芙蓉是民建聯一位非常優秀的

誠，大家有目共睹，相信她這些特質，一定會為她和廖添誠，建設起一個幸福美滿的家庭。

她更特地為一對新人準備了一對喜聯：「添喜添福添好運情花燦開誠所至，喜賀新人樂見；芙蓉芙蓉扶社稷緣定三生容百川，深獲民心建樹多。」祝福一對新人永結同心，百年好合。

葉劉淑儀說，兩人是公認的「郎才女貌，佳偶天成」，非常榮幸獲邀成為一對新人的證婚人。一對新人相識於清華EMPA公共行政管理課程，他們每個周末均需到深圳上課，正所謂「書中自有顏如玉」。廖添誠幾經努力下，終於追求到這位民建聯掌上明珠、才貌雙全的區議員，她對此感到十分高興及欣慰。

她祝福一對新人百年好合外，也祝願兩人盡快早生貴子，「最理想是每年添丁，讓我們與民建聯親上加親，增添更多小黨友和愛國者。」

香港文匯報記者 鄭治祖

### 特稿

